

四庫全書

集部

欽定四庫全書

御製詩二集卷二十六

古今體八十首

辛未五

題董邦達西湖畫冊十四幅

邦達曾為西湖各景圖以獻茲臨明聖遊覽暢觀
信足娛志以境證畫允擅傳神舊有十景及靈隱
雲棲諸勝久羶鄉人間者無不究妙吟奇所作即
書邦達冊端以誌雅興而一溪一壑或以路便偶

經未有專詩或以地處幽遐不及領要則在全圖
中尚餘十四景船窓展玩南望情馳各體不拘聊
云補空

昭慶寺

招提湖北角閑武便曾過碧篆消新火青松擎老柯客
心惜頽廢僧意異檀那欲擬從其願民財慮費多

來鳳亭

錢塘門外寶石山勢如翔鳳輝翩翹當年梵宇燦金碧

梯巖結構紅雲間危亭四柱號來鳳頓令阿閣懷軒轅
暎帶田疇及城郭變幻暮靄還朝嵐遙思勝賞如宿昔
荒基唯照斜陽間

初陽臺

我聞華頂十月朔日月同度傳奇觀此語近怪疑信半
不曾神樹徵星官葛嶺久孟之上日獨稱曉日光流丹
陽月初陽騰瑞曜此理平易何疑焉天雞鳴後海波沸
玫瑰鞞鞞朱火殷葛翁吞光得仙道東將入海扶桑攀

至今臺下遺丹竈欲往尋之阻路艱

西泠橋

玉煉橫分裏外湖綠絲風裊柳千株漾舟竭想前朝蹟
賢守風流白與蘇

紫雲洞

窈窕紫雲洞聞在葛嶺西琤琮乳竇水流出是桃溪

金鼓洞

棲霞嶺迤西嵌壁多崖洞是間名金鼓壯哉特異衆武

穆孤墳近惜未中興宋所恨和議行敵人反間縱山林
思作氣高孝獨無慟過祠留句曾撫畫興懷重

玉帶橋

垂之則有卧波中銜綬惟魚幻豈虹歌詠湖山此生慣
威儀青紫若人工光通激灩原規月勢委飄蕭不礙風
本是印公留下物而今還復屬蘓公

九里松

不信雲林僻惟看虬幹青謾濤無定響偃盖有奇形如

導溪頭路寧遮厓口亭久聞王子晉過此劬香苓

慈雲嶺

橫界南屏翠鬱蔥淨慈低在白雲中穿雲度嶺招提隱
暖入春衣曉日紅

石屋洞

嵌巖外狹中虛何代地仙此居苔封紫石床上應有人
不識書

積慶寺

竹泉幽絕處往往有禪林
疊石橋通逕蔓蘿門對岑
未瞻月輪相遙聽午鐘音
分付曹溪路他年待重尋

烟霞洞

高峰隆崇俯錢塘往往舊蹟稱錢王
布衣奮起保一方識時知命歸真皇
林衣錦繡誇故鄉三世五王名姓揚
兩浙士女安農桑嬉遊鼓吹答韶光
當時遺愛云不忘豪爭計奪事已往
叶懺悔佛力資慈航紛建梵宇金碧
煌至今石屋烟霞蒼苔封碑字半存
亡應真補塑寧龍

降夢僧告語殊荒唐慈氏便真能降祥福善禍淫理有
常諛求寧媚可慨慷無心隨喜乃不妨或與林壑增佳
賞叶披圖作歌懷古長不殊勝處親徜徉

萬松嶺

翠臨城郭迴盤雲老幹千年赦斧斤湖色江聲欣兩得
吳山鳳嶠與平分豈爭豔冶春光富時有颼颼天籟聞
我願樹人常似此講堂近接號數文

紫陽洞

吳山景已佳，仙真洞尤奧。紫霞每封戶，初陽亦委照。竒境固無窮，奚必皆親到。清遊悉大略，薄旋從所好。重展北門圖，又領西湖要。

舟行春興

去棹春猶仲，歸帆花盡開。圍村紅白間，鋪壠綠黃堆。遠寺溪烟隱，橫橋岸柳迴。最欣蜂蝶過，時帶細香來。

經嘉興問蠶事未興因而有作

杭嘉湖三府蠶事最盛者，夾岸種女桑。彌望無高下，時

節未穀雨攤烏尚早也三眠已不悞何慮縲絲寡周禮
禁原蠶豈為桑與馬利戒不遺餘深意存非假時巡厓
農桑勸課及春社揷秧候正遥菜麥早遍野我更何所
事拈吟清興惹

三月十五日作

今日夫何日今年憶去年摧蘭恨難置改火迅驚遷景
迫清明節塵生舊講筵靜安母子並北望淚潜然

迴鑾至蘇州駐蹕

稽山修祀罷浙水省方迴道便舟重駐春深花盡開興
情多眷戀我意亦徘徊懷保相關處茲遊益信哉

聽雪閣再題

據勝嘉其信美聽雪重此嬉春大珠小珠落澗徵招角
招鳴鈞境寂早寒衣袂景清迴謚心神新見桃花貼水
却喜人非避秦

華山翠巖寺

鳥道夤緣上微風蘭蕙馨天花試禪意澗水演真經鵲

下講臺白蓮擎佛鉢青千竿綠筠裏又得小延停

靈巖行宮即景襍詠

千峰罨翠百花穠山館重臨春正酣更值清明窮遠目
具區無際雪濤涵

花姿樹態總無塵信是靈巖別有神洗滌繁華歸淨所
合教箇下住詩人

用吳語謂沈德潛住此山下也

巖扉蔚秀綠雲稠石甃花池貯澹流佳處意當留不盡
好教打疊理歸舟

題唐寅西山草堂圖

處士瀕湖此結廬蕭然書史樂三餘姓名不愧稱潛德
參為晉陵人
丁潛德作圖畫端應倩六如依舊有山今馬蹟那尋

白屋昔雲居千秋一瞬留佳話印證當前益起予

海棠

靈巖初見海棠開倩倚東風笑落梅吳會女夷慣誇富
不教一卉漏春臺

和沈德潛山居禱詩十首韻

德潛蘇人也家居葑門而構別業於靈巖之陽適
駐蹕於是山行宮欲訪其廬而未果茲當迴鑾故
和其山居禱詩書以賜之且誌別也

遂初纔就賦選僻早成居香火聯新社承明憶舊廬對
山開月戶問景入烟墟不可食無肉豈還經帶鉏

晚達頭先白旁求姓早聞銅龍勞課子金馬重研文暫
閱京華景歸眠震澤雲省方欣便晤底事又重分

雅稱幽人里常臨香水溪梁春看燕入埭曉報雞啼慢

憶著簪舊堪醒巖電迷齊眉鮮同老況汝賸梅妻

碧海鯨魚掣老成許爾真陰鏗似奇句王翰卜佳隣支
俸教終老持梁漫歎貧優游林屋下可以荅良辰

江山數千里不隔在知心力豈勝簪紱閒堪校詠吟巖
扉白雲迴門迳綠苔侵阿那北窓下無絃好蓄琴

得友樂三益卜居號四宜有奇酬問字無病謝求醫雨
後東郊日春前西崦時籃輿惟一子便倩里中兒

鬪茶傾石鉞載菊泛蘭船鶴侶宵談月鷗心波穩烟松

姿依嘯古鐘韻帶霜傳探勝無多挈惟將筆硯前

吳下業書傭居然八十翁從咄枝鹿野曾侍玉鸞宮
苑屋千山裏溪田一水通課耕時復出蓑笠雨絲濛

盤石聊宜坐飛泉亦入聽來禽撫舊帖相鶴續遺經
寄興屬霄漢搜題窮杳冥詩人今古有誰占此巖靈

雄談每抵掌豪詠即雕肝意與高秋潔心如具水寬
坐言行豈負時出處還安應有玉堂夢寸心寧改丹

倪瓚葉湖別墅圖

野水閒亭寫葉湖烟波杳靄樹模糊不因攬景來南國
詎信村居有是夫

趙孟頫人騎圖

神駿固難識識矣貴善御松雪閒作圖正警予懷處

范文正祠

丈正本蘇人

用義田記語

故山祠宇新千秋傳樹業一節美

敦倫魏國真知己夷維轉後塵天平森翠笏正色立朝
身

題高義園

天平山之下范文正之祠在焉其旁有園一區子
孫世守其業行蹕偶臨因名之曰高義而賜以詩
紆磴下靈巖天平秀迎目即夷度溪町菜黃春麥綠入
松復里許山莊清且淑林泉迴明淨蘭茝紛芳馥蔥蒨
入窓戶雲烟潤琴牘午橋義何取涑水樂非獨經臨望
祠宇徘徊慕高躅文正之子孫家風爾其勗

白雲泉和白居易韵

雲包白石石包泉無色聲天太古閒聊步天平問泉脉
喜逢白傳話雲間

法螺寺

取勝多因僻入山不厭深巖花標法喜埭竹空去聲禪心

雲態任舒卷泉聲自酌斟華峰窓戶裏曾倚笠亭吟

支硎山恭依

皇祖詩韵

支硎占斷古臨硎為愛寒泉謾入聽韶景無邊富前度

松巖不改是曾青

董其昌採菊望山圖用陶潛詩韵兼效其體

徵君賦歸來五斗猶厭喧採菊傳佳句寄傲豈性偏香
光結神契援筆寫望山望山思其人如與相往還此意
足千秋余亦復何言

丹題寄暢園

雨餘山滴翠春暮卉爭芳蹊薜盤雲逕披松渡石梁鳴
湍空塵意列岫澹烟光更許傳佳話遮留詩債償

秦孝然年

九十乞詩
故書賜之

詠惠泉

石甃淙雲乳何從問來脉摩挲幾千載滌蕩含光澤澄
澈不受塵豈雜溪毛碧鴻漸真識味高風緬疇昔

丹題聽松菴書張宗蒼補圖上

又溯梁溪問惠泉春光到比客舟先竹爐小試仍松下
龍井攜來正雨前此日真成四美具當年慢說八禪詮
補圖直繼諸賢躅便道同堂豈不然

聞京師得雨誌喜

江南恒苦春雨多冀北恒苦春雨少苦少常年我慣經
苦多今來始略曉江南冀北皆赤子目擊耳聞究殊道
麥將欲秀菜綻花春雨正佳未致潦苦多即目已紓懷
苦少馳望燕雲表置郵喜復接佳音一犁普徧今春早
頃刻兼消兩地愁况復溟濛烟景好

北固山

北固當年戰守衝堯峰今見有喬松蘭舟來往纔經月

翠黛新添幾疊濃

金山行宮即景

句吳於越省方還
解澤何稽載道頒
重舉明禋謁鍾阜
便紆清蹕駐金山
樓臺入水紅翻浪
楊柳當春綠掩關
逾月風光異來往
摩空塔影只閒閒

句容道中作

路舍舟而騎俗覘
漓與甌紅圍山下
墅白間柳邊江寺
僻僧常獨春深燕
每雙明朝臨建業
訪古六朝邦

江寧駐蹕恭依

皇祖詩韵

下民疾苦厯清諏晏處遑安慎一遊

祖德巍巍期仰法俊材濟濟切旁求

試江南生監於六
會城將加錄用

朝文物資憑攬數日

慈寧奉豫留問俗平康宜正直無須式克用剛柔

過明故宮

六朝崇構早摧殘基剝明宮烟草寒木鳳已聞翔北闕

明至今四百餘年且在明則猶南京也不宜荒廢至此
傳聞成祖建北京時移宮殿鉅材北上以脩營建故柱
礎石甃無恙惟木則無存
此或信然蓋別有深意云 石鯨無恙枕春瀾胡寬巧思

真重觀

宮殿規制無不與北京同蓋北京本取式於此猶新豐之不改市肆也

鄒緝忠言

信不刊

諫成祖遷都者

周監在殷殷監夏凜然動念慘然看

報恩寺六韵

路問長千里聲傳古寺鐘城頭瞻塔鳳溪口渡橋龍宛
識清涼近真看瑞靄濃金輪三國始雁堵九霄重祝

嘏香花列

南省紳士於此建壇恭祝

攄誠紳佩從

慈寧無量壽長願過喬松

登報恩塔作歌

登塔有會心成句從塔下借問登時何不書攀躋應接
真無暇我懷杜老登慈恩仰穿始出步步真當時筆硯
誰供奉英雄未免還欺人七星北戶江西流天風入耳
聲颼颼金陵自昔帝王州至今遺蹟歸浮休怪底禪宮
標窳堵應令心空萬古愁

雨花臺

崇岡跋馬晚春晴
憑覽遺臺觸慨情
便果雲光致花雨
可能末路救臺城

謁明太祖陵

金陵莅止為巡方
展謁龍蟠奠桂漿
保護遺規崇勝國
紹承

家法禮前王
開基洵是過唐宋
繼業無能鑒夏商
形勝不須矜壯麗
惟

天佑德慎周防

閱兵

曠暘晴午嚴光春暎日晶晶組練陳天塹長江稱地利
省方要務重安民放牛歸馬承平久踞虎蟠龍指顧新
我適孝陵裡謁罷當時創業想艱辛

登雞鳴山即事

鍾阜西去堆翠厓丹梯宛聽天雞喈元武湖光上眉睫
金陵春色怡胸懷江山不厭城郭占閭閻半與桑麻皆
曠觀臺畔瞻

天藻烈並崇峰詎可階

清涼山

宛轉溪流仄迳長青雲五里夾松篁凌虛全覽秣陵景
過刻剛消貝葉香城枕石頭低野色渡連桃葉澹烟光
徵名無實兼名泯叅到清涼意亦忘

題太平箭

金陵太平門其左扇一箭飲羽又餘箭痕者二為
順治年間取江寧時澹臺都統所射駐防人不忍

湮其跡故常整葺存之經過竭覽輒成近體

人心天命向清時江表安能一木支况復處堂仍燕樂
福王於明亡之餘南奔金陵仍與阮大鍼等日以聲伎為樂云豈能怒臂拒雄師鷹揚
三箭皆飲羽烏合千軍盡倒旗應勝天山樹邊績英名
長共石城垂

元武湖即景襍詠

太平門外進蘭舟元武湖中撰勝遊
款乃漁歌出蘆渚
冶怡花影漾沙洲

鏡涵春水一篙深
白芷青蒲刺碧潯
却怪橫峰礙蘭棹
雞籠晴翠落波心

璿池昔亦號昆明
遺跡蕭齊入品評
留得六朝風月在
鷗波依舊照人清

燕子磯

當年聞說繞江瀾
撼地洪濤足下看
却喜漲沙成綠野
烟村耕鑿久相安

永濟禪院花笑軒小憩

梯巖白閣靜籠戶綠筠幽花事春將暮樹姿陰已稠生
憐早鶯囀聊為老僧留默默和尚年一百一歲屬念於何許雲停
江水流

觀音山

玲瓏懸峭壁漩復帶長江幕府遙開嶂樓船正掛簾
聲在几席烟景罨軒窓葦渡西來意長明珠殿釭

賜永濟興洞和尚

興洞別號默默年五十始出家今百有一歲矣清

健如少年故為句以賜之

不會詩文不解禪果然默默以全天半生塵世半生佛
可號山僧可號仙

題李公麟倣韋偃牧放圖

將軍弟子韋與韓往往畫馬遺人間一足價值千金驥
攻駒富牧何曾傳伯時奉勅摹粉本神蹟重似見韋偃
幹惟畫肉杜老嗤獨於偃也無貶損薄言駒者錦繡張
飲秣適性力乃強筋埋肉脹固無數此中不少駮駟藏

但養其駿棄其鴛鴦多駿鮮非良圖兼容并包擇賢用
既有伯樂駿豈無

靈谷寺六韵

蕭梁靈谷寺昔據獨龍中明卜元宮址新移碧嶂東於
今四百歲不改八禪風壘甍攢雲殿雕瓊敞月宮蟠階
松益翠倒井酌消紅佛地何興廢憑教萬慮空

曲水用謝惠連韵即效其體

樂遊古名苑聞在城東郭過已尋曲水餞春餘脩薄

三時

月廿七日懷古緬觴詠徵今祇泉壑行漏促歸轡烟林噪午爵

閱織機者有作

皇祖勤民務早題耕織圖親看成帛者更惜授衣夫經緯絲無素朱黃素後殊雲門土鼓始大布慢嫌麤

寶華山慧居寺

松逕霏花雨香臺霸法雲
範銅輝傑閣鏤玉穩蜚文
寶誌名長在梁皇懺尚聞
芳飈舞錦卉仙籟韻瓊簞
誰識

隆昌舊從來名象紛澄觀忘萬慮小坐亦堪欣

麥秀

數日好晴催麥秀南方候早信今徵茅簷自覺收堪待
蒸肆遙知價不增比隴懷新承露潤望秋欲實帶烟凝
花村柳陌尋常攬愜意今朝喜絕勝

高資港

孝陵未讀柳州論繼世旋看禍亂紛詎可長江恃天塹
早教高港覆舟軍金川守禦終無濟瓜蔓誅夷不忍聞

一死齊黃難贖罪獨憐氣節在斯文

長江夕照歌

借問長江源及委蓋與朱日為出入浮玉崢嶸接東西
寅賓寅餞惟中立是時萬里無微風鱗雲暎江江面紅
鯨宮鮫室朗欲徹楚山蜀塞渺何窮布帆來往紛紛者
捩柁不較風上下北人使馬南人船各有所長語非假
金波浮沉金彈子將謂曦輪碾其底璿璣九萬且莫論
明朝試看扶桑始

渡江

吳越巡方兩月周長江迴泛木蘭舟風恬北指瓜洲渡
天朗西窮巫峽流花有繁紅識津口樹成嘉蔭出城頭
金山背擁蒼巘迴綠字曾題初度遊

三月晦日作

貪程忘日有常談忽報春蕓落盡三應趁清和歸冀北
恰留九十在江南是日渡江未孤柳媚還花冶慮誤吳耕及
越蠶更有予心深愜處皇州好雨應時甘

高旻寺行宮即事

塔影遙瞻碧水隈
北來駐蹕又南來
風光一日更春夏
俯仰幾時經
往迴燕蹴殘紅點
瑤席鶴行濃綠印
蒼苔
江城晚晚猶牽興
隄外蘭舟且慢催

舟行

水肥帆飽利川途
一日遙過卅六湖
傍岸烟低籠綠柳
隔塘波碎刺新蒲
風光入夏方酣鬯
桃李婪春尚麗都
江浙河淮霎往返
清和節物較前殊

倣惠山聽松庵製竹鑪成詩以詠之

竹鑪匪夏鼎良工率能造胡獨稱惠山詩禪遺古調騰
聲四百載摩挲果精妙陶土編細筠規製偶倣倣水火
坎離濟方圓乾坤肖詎慕齊其名聊亦從吾好松風水
月下擬一安茶銚獨苦無多閒隱被山僧笑

御製詩二集卷二十六

欽定四庫全書

集部

御製詩二集卷二十八

詳校官尚書臣德保

助教臣常循覆勘

總校官原任中允臣王燕緒

校對官學正臣卜維吉

校對官助教臣蔡鎮

謄錄監生臣朱鎮

謄錄監生臣金特

欽定四庫全書

御製詩二集卷二十七

古今體八十一首

辛未六

過淮安

檣烏五兩順瞬息將百里郡城臨清淮蜿蜒聳堞雉土隄與城齊一綫束流水切近俯閭閻意外虞難恃讓水勢不能保障惟藉此甃石費雖鉅為民無惜理爰以命河臣形勢大端指歸舟相去聲設絕稍慰勤民意叶来来

司水土欽哉聆後旨有孚我弗問匪懈汝其矢尚令堅
比墉母俾穿於螳

題錢選歸去來圖

泉明歸去賦清辭寄傲壺觴謝世知千載隱名偏藉甚
畫圖每寫泛舟時

洪澤湖

具區昨遙望滹汗舍咸池洪澤茲重臨瀕洞撼地維尾
閭有籌畫駕言親閱之西瞻天無際南睇山一絲蘋末

息微風濤聲萬馬馳須臾排雪山拍岸還嶮嵯漁舟及
賈舶出沒銀雲堆觀者為膽寒爾乃忘其危熱中名利
人吁嘻可以思

觀打魚

洪湖之水納百川仰流鱗集多鱧鯉水鄉民計欲一悉
打魚早見來漁船烟波浩渺舴艋集施罟潑潑羣魚急
適口但取庖厨充跳身寧惜波濤失揚子銀鮓節尚早
徐州秃尾未覺好鮮腥况匪素所嗜水族傷生殊不少

岸傍竭覽命罷之首夏正育鯢鮪時

初月

在江則滿江在湖則滿湖一輪虧復盈分別心曾無江
湖月誠佳而我見乃初前我不可窮後我復誰乎半鉤
又入夏適言旋浙吳清光暎落花平野含蒼蕪徘徊武
帳中邈然思往途

閱高堰壩示河臣

建隄以衛民民安賴堤利設仍民受災堤存亦何濟洪

湖寔巨浸高堰為障蔽猶虞盛漲時莫禦汪洋勢三壩
建尾閘節宣原有制何人倡邪說強與安名字云開天
然壩每歲成故事吸川所不恤勞田所不計惟保石堤
固河臣能事畢叶以此云稱職夫誰不能逮高斌覺此
非力排向浮議戒以隣為壑下河實受惠但尚虞意外
添壩請予示予謂三已多况五可輕試是與開天然實
同名略異因與定恒規率視昨歲例仍舊貫者三更新
為者二三猶漲不減許可及次第下河數縣民庶免饑

溺累昨過清江浦名宦堤旁祀皆昔保堤人對民能弗愧

渡黃河

春初南渡夏初迴詩稿新添百葉纔應為貪多佳作少
蛟龍不遣繞船來

久聞

久聞黃河尾漸淤審然民瘼亟宜慮去歲春月閱永定
騎牆行水吁可懼不啻尾淤河半淤夏霖堤潰果旁驚

泛濫空懷瓠子歌至今未涸憐沮如爾時南望增戚憂
未識金堤何以護茲來兩度剪黃流水由地中直東注
迴幹奔騰勢雄放雲梯達海須臾赴盛漲云或時拍岸
要亦歸川得其故人言紛紜難盡信解疑要在目親覩
叶

來宋元以後奪淮據

古之黃河在齊冀為歸墟自宋元以後漸南徙奪淮水之路並行入

海齊驅赴壑有歸墟葦蕩寬深延套巨

自雲梯闕以下葦蕩延袤南岸

為十巨北岸為十套而清口淮水暢流會迴異渾流善
黃東注趨海之勢既專攻沙之力益勁矣

變更去歲過憂今始悟

去歲聞永定河有
未臨先懷憂之句

夕

中河一水送浮艫兩日舟行趁便途未免閒情願洲渚
更看夕景翳葭蘆細評合作無多子靜憶前遊有是夫
激灩蓬窓娥影入誰家玉笛按清都

舟行襍興三十首

用上下平
韻有序

歲在重光支維協洽稽省方于虞典諏吉日而南
巡式繩武於

堯年奉

安輿而時邁發燕冀歷青齊自華燈初試之宵閱社鼓
春祈之候爰臻南國直指吳疆御鳳舸而渡黃流
引蜺旌而臨淮浦汎光覽社水雲浩渺之鄉瓜步
邗溝歌吹繁華之會薨飛浮玉塔影橫江樹鬱松
寥潮聲到海虎邱鶴市豔吳苑之名都鶯脰鴛湖
溯越溪之故蹟既而清塵浙省弭節明湖花柳則
春曉重堤烟雨則雲嵐三竺展精禪於禹穴訪稷

事於蘭亭以迨鍾阜言旋金陵暫駐考遺墟則鳳
臺牛首銷沉六代聲華問王氣則虎踞龍蟠依約
勝朝宮闕撫斯形勝暢矣良遊凡茲經覽之區伊
昔厯懷有日金堤保障平成之

祖略猶新部屋恬熙覆載之

神功永戴聿循

彛訓誕布恩膏既民隱之周咨亦輿情之允愜黃童白
叟就瞻者載道歡呼青笠綠蓑沾塗者乘時力作

時則寄餘閒於篇什逸興遄飛攄雄覽於江山豪
吟奔會具區三萬六千頃用助文瀾南朝四百八
十寺適供禪悅名園勝地每入拈題秀水靈山各
留專詠雖探竒無盡不妨遲待重来而觸緒有懷
未免牽縈爾日扣舷述事聊排上平下平點筆紀
時不拘江南江北體裁斷句綴以七言

三山也只一舟通疑在虛無縹渺中何似湖天空濶處
半帆新水坐微風

春霧濛濛傍晚晚封姑蘇城外恰聞鐘吳儂伊軋搖柔艣
舟過不教覲面逢

憑攜茶竈煮岷江月在瓷瓶風在窓此際且遲題七字
悠然靜會果無雙

最欣甌社與菱絲春水如油拍岸時款乃歌聲想漁樂
吳音吳語倩誰知

汀花岸柳媚春暉亂剪吳江燕子飛合喚天然王宰畫
擬詢工部是耶非

船窓有暇一繙書不為雕龍富五車
胸次曠如天水永眼前妙趣悟鳶魚

中間玉阜四周湖樓閣林花上下扶
設使伯駒為界畫不成圓嶠亦方壺

香水猶傳吳苑菜花黃入岸花低隔堤
不見林邊屋却聽雞聲三兩啼

古來佳麗數秦淮巷迴烏衣草半埋
只有清溪流不盡漁舟時泛白雲涯

西出梅花待我来
絳霞綠萼一齊開
肯教香雪容唐突
暫捨扁舟上玉臺

鏤雪裁冰品判春
枉教賡和屬詞臣
於今始識春消息
不到江南未是真

蜀岡一曲倚斜曛
芳草萋萋綠映裙
二十四橋風露下
只今猶有玉簫聞

楊柳青青護水村
連朝春雨漲柴門
女郎漂絮柴門側
人去還留水石痕

入畫樓臺烟雨寒山陰一棹鏡中看蘭亭逸少風流在
信可東山傲謝安

若耶只隔一溪灣好似天風吹引還寄我閒心與明月
他年證取水雲間

六橋新柳罨春烟明聖波光淨碧連檢校名賢千載上
白蘇端稱號詩仙

靈鷲龍宮記寂寥山門仍聽浙江潮果然佛力資常住
德壽無踪問綺寮

漁艇天然雲水巢
新蒲戟戟釣綸拋
團圞婦子烟波穩
不倩樵青作解嘲

碧山吟社亦多豪
殘碣猶存隱野蒿
偶泛梁谿尋賸跡
竹鑪第二試茶槽

石尤風息斂微波
入夕團團影玉娥
隔浦檣燈星萬點
引人遙夜思如何

青翰收帆泊渚沙
著安文櫓近窓紗
醉魚水面跳明月
金玉離奇盛浪花

雲飛川泳妙中藏
取法奚須泥漢唐
乍憶詩人五百載
石湖烟雨尚橫塘

烟雨樓前曉霧晴
花光在水月留楹
此時有興難成句
且聽流鶯柳外聲

高峰南北送遙青
空翠湖心落杳冥
吹徹洞簫歌水調
滿衣花露入西泠

別傳自有印心燈
却果誰臻最上乘
閒訪雲林話今昔
恰逢當日紫衣僧

六代繁華逝水流不堪遺蹟問荒洲
青山門外紅紗舫猶指前溪是莫愁

落日鯨波漾遠林莫釐縹緲接湖陰
水晶宮裏江妃宴激楚猶聞吳會吟

凡蔥綠隴麥含含桑葉初抽待飼蠶
檢點行滕攜數卷好詩端合在江南

吳下詩人沈德潛相商新稿去輕纖
却因宣席歡顏叙翻惹江鄉離思添

柁樓風正掛雲帆攬結湖山迥不凡
泊向清宵還可愛
鏡中朗朗夜珠銜

閱豆班集堤工

中河之水來青齊漕儲浮送輸京師
春常苦弱夏苦壯
節宣有道貴合宜去歲霖雨成異漲
六塘達海䟽洩遲
河臣束手窘無策遂致蟻穴穿長堤
哀哉吾民罹水患
廬舍漂蕩田淤泥蠲租賑粟縱不惜
豈如樂業免溺飢
芟楗并力亟堵築宣房速就頗得之
設堤本以禦民患

不免衝決患益滋補偏救弊賴無隱博施膏澤何稽時
臨堤東望增吁嘻

題王蒙山水

蜿蜒磴道繞山腰古樹扶疎疊嶂堯壺裏人家崖口見
綠窓丹竈守仝喬

順風舟

好風送歸航一程消半日船趨所常有不必誇祥吉
逆風人所惡順風人所喜天地猶有憾巽二奚免此

平原馬縱轡勁弩矢離弦將謂無逾疾今見得風船
小舟蕩雙槳每先大舟走掛席百里程乃覺瞠乎後
榜人慣行舟不令帆太飽因思益贊言鄙事合至道

四月八日漫作

浴佛傳佳節清和景尚妍每因逢此日不禁憶當年兒
女花真幻昔今時久遷齊雲遙在望愧我未忘緣

桃源耕者

桃源耕者存古風千畝合作衆力攻彼此借助相通融

不勞長官頻課農鳴鑼呼召羣來從閭閻親睦和氣濃
渡河經川舟可通閱堤策騎欣初逢兩浙三吳迴憶中
山容水態春翹紅不無寄興吟題重未若茲者愜予衷
不知有漢敦龐崇泉明記豈徒鑿空寰宇如是信大公
垂裳南面正己恭但思民欲難強同力田任恤俗化隆
為爾更切祈年豐

過宿遷縣

宿遷去歲災加賑早降旨南巡春月過閭閻色未起憑

輿怒予愁是皆吾赤子鳩形或伶仃露肘多藍縷叶未
見切厪懷况乎親見此不亟令安全豈其勤民理加矣
寧再加庶乎免轉徙承宣有職司供帳何藉爾留茲摠
大綱庶吏爾任使賑貸便宜行毋遺寧濫矣更戒忽遐
陬惟飾經途邇迴鑾忽兩月被野麥色美民心賴以定
吾亦因之喜進詢方伯臣三縣率如是見前詩謂宿
遷桃源清河元
氣詎易復稍救燃眉耳黃童及白叟駢肩道旁跼言謝
爾莫頻尚冀歌盈止

登陸

浙吳兩月熟舟行登陸剛欣得快晴畢竟北人還愛馬
不教南國久牽情却看樹色村前暗尚見湖光堤畔明
每傍綠陰還駐轡平疇過雨閱新畊

入山東境

南巡經兩月北上入三齊綠重雲千頃黃滋雨一犁馳
驅戒緹騎瞻就任黔黎樹影連村暗烟光幕野低寒輕
柳藏絮露重草含蕤迴望江鄉渺無須惜解攜

璣室

陸宿仍璣室虛窓駒影留往來任南北寒暖適春秋乍
覺招新興兼宜縱遠眸頃移廬不改擬合喚原舟

謂平原之

也舟

五賢祠

有序

沂州古琅琊郡漢諸葛亮故里晉王祥王覽唐顏
果卿真卿皆產其地舊有景賢祠合祀之嘉其純
忠至孝節烈彪炳足表範人倫紀之以詩

王祥王覽能全孝真卿杲卿均致身所遇由來殊出處
要推諸葛是全人

麥

青齊麥為秋民食茲攸繫南郡處下游衆水所歸地惟
恃夏收稔粗具終歲計去歲秋復潦拋荒耕未脩春巡
悉民艱切切愁弗置蠲租早施恩加賑豈稽惠迴鑾重
經過田功覘次第來牟撲隴青懷新暢生意民心賴以
定吾意亦因慰

題洗硯池

會稽昨見墨池傳，重過琅瑯憶晉賢。
舊里方塘稱洗硯，得名應在永和前。

堪尋故宅義之導

王導故宅亦近此

江北由來度外存，可惜茂

弘終不用陳顧，曾已進名言。

澤筆留稱疑信半，更聞父曠已南遷。
龍跳自是從童習，況距蘭亭祇卅年。

渡沂水

雨後漲清沂雲源入翠微長川謝浮舫廣衍可驅駢詎
有花光蘸還看草色菲春風忽已過吾亦詠而歸

題沈周碧山吟社圖

招提卜築背峻嶒靈竅中虛玉乳漱十老高風餘古木
百年故蹟付溪藤琳池聽講看魚慣雲逕延賓記鶴能
阿那松庵依左側所欣我亦品泉曾

讀史

琅瑯渡江表敦讓弗即真揖讓而救火誠然亦不倫按

劍叱撤座迫切爭廷臣周嵩進讜言不為附鳳人忤旨
守新安難兄即伯仁

雨

北方春末夏初時強半愁腸盼雨遲獨喜今年飛絮候
似逢南國熟梅期度川乍惜青山失霏隴偏欣綠麥滋
却為多人跋泥淖眼前真境繪蘇詩

楊柳驛

胥烟裊裊窳青絲叔子風流故若斯不獨佳名播梓里

襄陽蕪有峴山碑

短歌行

北愁春旱南愁春霖以彼易此實獲我心北旱愁多南
霖愁少自北徂南厭哉行潦北雨今足於恒為喜而我
適南愁復不已愁喜倒置不近人情匪我則然兩蕪孰
能

王明君

見面始知美反坐畫師罪何不未畫前一見免後悔

青冢月夜魂美人久塵土勿論魂歸時和親亦已苦
和親及增幣禦邊策非正誰歟作俑人禍端始婁敬

喜晴

黍禾阡陌播耕齊近遠新霑雨一犁更值快晴風日好
旅人跋涉免衝泥

麥秀

江南見麥秀已遲春之杪

江南人謂今年春寒故麥秀稍遲不然尚應早旬日青

齊見麥秀正及初夏早冀北風候夙所知麥秀孟夏婪

尾時更聞閩粵當此際早充餅餌供晨炊自南自北皆
吾民乘時因地力作勤歎多豐少良苦辛歎為憂愁豐
為欣欣不藉人慰愁亦無人分控轡見此含含者不令
蹂躪馳車馬老翁鞠脰道旁跼停鞭一問資生計翁言
昨歲被偏灾幸望麥收無麥稅

村行

雨後塵氛淨夏初景物繁白雲猶戀嶺綠樹已藏村芳
草馬蹄惜落花蝶翅翻觸懷堪寄暢林外亂鶯喧

謁岱廟

岱宗遙望謝重登岱廟森嚴玉陛升祇有豐年祈帝貺
愧無明德答神憑唐槐漢栢形容古時景民風氣象增
迅矣三年成瞬息向來欣戚總難勝

即景

綠樹連村曉景敷紫花引逗露光濡齊郊適值清和節
南國遙思櫻筍厨薄薄梨雲燕呼侶深深麥浪雉將雛
間間元氣期全復漫道歡聲已載塗

過泰山作歌

土父澤母山之根成形類聚精義存文王後天列八卦
艮兌交錯西南坤西南衆山祖脉惟崑崙其在艮維山
本體是為長白齊蒼旻轉折踰海伏而起岱宗雄長其

實尾閭拳石崇中原五嶽五鎮各覽二

東嶽泰山山中嶽
嵩山北鎮醫巫

閭南鎮
會稽

崑崙長白姑遥跂以予所登興安大嶺巴龍桑

蘇台廣博崇隆列之嶽鎮有過之而無不逮吁何其名
曾不得與嶽鎮廁豈非古來版圖以外未得通文字儒

生各拘所見高位置山既若此餘胡獨不然蒼頡作字
天雨粟鬼夜哭其理信有豈是荒唐傳

聞河南得雨

去秋巡豫郊待雨播秋麥三冬復望雪切切咨宣席春
來舉趾初近遠濡甘澤來牟知遍佈芄芃撲隴陌所希
雨以時芒種庶滋碩青齊喜依旬接壤興遙憶風氣兩
省同麥秋重民食置郵來佳音兩河霑及尺餅餌定可
卜市價已減值西望為民慰忭慶手加額今歲幸時若

所歷同南北深惟損益機益凜惕乾德

賦得麥浪

非烟非水戲紋如高下層層卷復舒生意肯教藏化蝶
祥符端合兆維魚三山碧海乘風近九穗黃雲湧雪餘
便泛虛舟詎憑險田農將以傲溪漁

題姚綬江南春雨圖

文會飲元同

軒名

倡酬皆雋秀琴樽興瀟灑芝蘭氣芳馥

叶猗玕韵颯響濃黛拖遥岫頰辟度清風齒簷點餘溜

所期水乳投豈貴肴饌富傳真誰所為逸史雲東綬行
勝久相隨展閱吟情湊今歲江南春雨景我重觀

見芍藥戲作

從來花事盛吳趨春冷偏遲綻鼠姑今日風沙齊道側
亂頭祇見魏家奴

率題

率題非為少心情吳越燕齊早遍評肯擬西崑寄花柳
所欣南畝協陰晴勾消春色篇中足分付秋光塞上迎

今秋將行 兩日停吟 閒不慣 揮毫頓覺腕嫌生

南巡歷覽風土

暇輒吟詠臨池之功稍閒今迴蹕將入直境留題殆遍畫長多暇濡毫遣興畧遜曩日得心應手之樂故云

渡運河即事

濃露暄曦初夏天 虹橋迤邐緩鳴鞭 運河重渡踰三月

衛水遙源溯百泉

百泉即衛源去歲曾至其地

東國漫留西去馬 南

風仍送北來船 青郊麥秀搖晴浪 所幸占秋兩省連

曉

旅人不讓曉客路 為乘涼埽露猶含潤 林暝漸透光藥

英遙辨色麥穗欲生香江國餘清戀南雲忽渺茫

紅杏園

別館迴巡蹕閒齋書史陶偶然半刻逸無乃衆人勞紫
燕營花棟賴魚簇錦濤新題成舊什邈爾憶含毫

跋馬

跋馬烟村數日程麥將芒種黍齊耕去時切切愁農計
初春南巡過此有麥未萌之作歸為吾農一暢情

御製詩二集卷二十七

欽定四庫全書

御製詩二集卷二十八

古今體七十五首

辛未七

讀通鑑綱目

三五以前蹟杳茫三五以後滋益詳編年事例自涑水
正紀褒貶推紫陽列眉指掌示法戒四千餘年治亂彰
武帳幾餘一緇閱豈因巡狩憊就將但經觸目心輒警
不為博覽供詞章

雨

低野絲雲傍晚濃為霖踈密復春容清塵解熱頗宜旅
飽麥滋禾實利農北地希逢慰心切南江遙望寄懷重
又因貯霽歌漸石人欲奚能天盡從

晴

平郊快霽景暄妍絕勝江鄉潤溽連最愛懷新高下意
綠疇行處緩催鞭

迴鑒趙北口駐蹕

絲柳護堤脩

鄭州北名萬柳堤

南巡返翠旂鏡光修改觀去聲駒

影信如流渚館聊停蹕芸齋一縱眸遠帆窓裏度永漏

座中留即景思江國連程指帝州明當辰弗集預命罷

龍舟

節近午日有司陳競渡之戲以詰旦日食先期脩省已之

恭奉

皇太后南巡迴鑾之作

清溫序乍更春夏往返程將厯六千法

祖娛

金匱要略卷之二十八
親殷念遂省方問俗惠心宣所期赤縣足衣食頗慮南
邦尚管絃百歲脩和匪易致勤思保泰益欽旃

午日奉

皇太后觀競渡

清蹕歸來未後時天中宴賞奉

徽慈江鄉早覺燈船鬧御苑初陳節物嬉誰擅鴻辭工

弔楚幾占烏影著洛義沿途麥好秋禾佈今歲承

歡畧展眉

仲夏承光殿

掄魁三歲屆返蹕九重臨憩息登崇址徬徊撫古林澄
懷寄雲水生意暢魚禽北會餘金殿南薰驗舜琴雨時
山早翠日永樹移陰敢懈祈年志憂勤與日深

靜安莊酌酒

早曾親祭酌金卮返蹕重臨淚寫悲忽過三年一瞬耳
邠堪厚夜永思之了然未識蕉為鹿喟爾猶懷簪是著
無那從茲將日遠肩輿欲去命遲遲

雙忠祠

有序

乾隆十五年駐藏都統傅清左都御史拉布敦誅
叛臣朱爾墨特那木札爾其黨羅藏札什率兵助
逆二臣死焉贈以伯爵優卹而歸其喪於京師親
臨奠醊建專祠祀之命曰雙忠並紀以詩

衛藏西南夷極邊入我王化百餘年始猶羈縻後執賁

置兵為守防呼韓

雍正年間始命大臣駐彼率綠旗兵防守準噶爾

蒙古習俗

尚黃教得失視此為轉旋其何小醜背厚澤夜郎自大

輕王臣託詞承平勞物力示之大信休兵屯戕兄虐下
遂無忌更與外賊為牽援血人於牙攫財賄中梗驛路

軍書傳

朱爾墨特那木札爾乃頗羅奈之子朕以其父
勤勞頗能安輯疆土封為郡王後頗羅奈故伊

豫其父王爵即說詞請撤駐藏官兵因念彼既以撤兵
為請即不從適足以致其疑故如其請自此肆無顧忌
戕其兄及姪荼毒所部遣使通準夷求援旋斷絕郵置
軍書不達者旬日二臣覘其逆謀已露遂決計先事誅

之
惟時奉命監彼土曰傳清暨拉布敦目覩逆勢日猖
獒炎炎不息將燎原戰守不可兵力弱官軍萬里阻蜀
門國事為重餘度外二人同心利斷金叶知無一生有

九死但期濟事酬深恩朱爾墨特那木札汝來示汝大
義存天無二日爾二日爾忘爾父叨藩翰兇渠稔禍力
已張去聲藐視二人何有焉籠中之鳥砧上魚西藏指日

據有全挺身來見忽疑慮潛呼羣醜施戈鋌傳卿直前
扼其臂逆王命者誅無延拉卿拔刀割其脰罪在魁首
無牽連羅藏札什其羽翼走險叫誼豕突然桀犬吠堯
各為主蜂屯蟻聚來攘挺吁嘻二臣力不逮如歸視死
雙軀捐小醜烏合旋就縛駢首就戮長竿懸逆誅順撫

妖氛靖衛藏萬衆如一言忠臣報主有如此智勇兼濟
誠通天昔每椎心今吐氣如披雲霧瞻蒼旻不勞一旅
翦渠寇豈止萬命免沉淪尸祝社祭衆夙志虔伸絕域
千秋傳靈輿肅肅歸故里建祠臨奠恩頻宣錫爵賜封
延後世志予哀悼旌動賢雙忠之氣浩千古雙忠之力
敵萬軍罵賊有似奮常山誘致大異斬樓蘭雙忠蹟略
傳斯篇他年以待信史編

雨

五月十四日

田無高下已齊畊意愜三農擁蹕程剛覺日來炎氣劇
恰逢曉破濕雲生寸餘接到泉膏潤爾許添成樾蔭榮
麥屆望秋虞過潦便欣霞腳晚天晴

題姚綬寒林鸛鵒圖用高士奇韻

鸛鵒何曾畏北風

俗云鸛鵒
不過淮

雕籠常鎖海棠叢竹牕既

有江湖思底事頻懷玉禁中

用士奇
句朝之

高梁橋進舟達昆明湖川路攬景即目成什

玉泉一脈溯源頭湖闢昆明渚衆流近郭石橋橫蟠螭

曉涼命進木蘭舟

狀元雨過天如水

是日傳臚
昨朝值雨

丞相舟平水似天昨日宮

城憑望處西山新翠霽光鮮

臚唱曲成迴御園川途取便弄潺湲掄魁漫道三年創
舟楫從來箇裏存

快晴景物值薰嘉白芷青蒲颭浪花甃社菱絲隄畔柳
風帆一樣逐橫斜

昆明湖上作

靈池虛受妥魚龍詎止鯨機溯漢蹤燕地波含滇海月
西山影寫北高峯名稱取合原無定佳處遊多得未逢
新闢水田千頃綠喜看惠澤利三農

萬壽山

有序

歲辛未喜值

皇太后六旬初度大慶敬祝

南山之壽兼資西竺之慈因就甕山建延壽寺而易今

名並誌以詩

選勝廓精藍延

禧資釋曇山名揚萬壽峰勢壓千嵐寶網鴻祥集璇池
浩澤涵載賡天保什長願祝如南

飼魚

池上足然響魚來不俟呼飽餐搖尾去可以驗中孚

賦得五月鳴蜩

綠柳度蜩鳴池塘快曉晴應時剛五月鼓翼試新聲受
露悠揚潔含風宛轉輕寒蟬真覺愧觸景一闌情

題竹根筆筒

嶰谷靈根幾百年自然成質謝雕鐫近陳棐几乎而妥
列貯霜毫靜以便豹變留文疑霧後龍形寫葉憶風前
搗詞定有凌雲槩元氣淋漓箇裏全

仲夏香山

翠風香霧蔚林間咫尺名山試閱諸稍攪結來中夏景
略延俄過半年餘依泉展席偏宜靜納嶂開牕不礙虛
恰趁今朝幾務簡相饒滌慮一翻書

連林雨足濯烟鬟佳趣欣於得此間入室依然忘來往
對峰難與較忙閒風前竹韻金輕夏石罅泉聲玉細潺
湲口去年曾駐屢遙羸白傳占香山

玉華岫口號

精舍倚層巖憑臨觸目宜雨時山翠早夏閨晝炎遲詎
可方之畫未能忘者詩率成四十字筆研鎮相隨

碧雲寺

翠深初地淨無埃疊嶂威紆澗戶開松韻泉聲都好在

一時興會又新來

偶讀韓休傳書事

忘蕭尚祗情之薄薦李真為亂所從天下肥甘一人瘦
相需誼實負元宗

靜室

結宇最高處天風戶牖生鄰虛自能靜視遠得惟明開
卷晤千古忘筌澄六情巖花禽蹴落帶露點棋枰

遠壑咽幽泉長空低霽烟翠峰容澹古綠樹色華鮮悟

物思遙託悅心非外緣懷新千頃意便覺勝常年

玉乳泉

白屋三間俯一泓坐來心目了然清今年雨足山泉壯
遠答松濤雲外聲

不許出山襟塵海長教淙石守雲湫靈泉南北猶殊性

奚恠人分剛與柔

北方山泉每出谷則伏流而不見若南方山泉出谷則成川矣此南北地

氣剛柔之異而人之性情風俗亦隨之物物易簡於此可見

嵌崖乳竇窅而深水七條鳴太古琴何必吳山千尺雪

會心隨處滌塵襟

靜坐

泉清喧即寂谷深夏亦寒
颯然松竹陰展席聊盤桓
吳越山水窟兩月資遊觀
未擬較墳簾將誰笑蹄筌
寓意而不留雲飛心自閒

賦得木從繩

得深字
八韻

名山育良木大匠顧而尋
材以從繩正力惟支屢任芟
緜去枝節信度戒奇淫詎似
莊樗棄難辭剛斧侵離婁

明已度

入聲

輪子巧重斟中矩符懸絜無袞合藝歲棟梁

終有用師保式如臨說復真君鑑千秋示誠深

夏至齋居

逼閏節候遲北至月將徂致齋居法宮薰風度瑣疏雨
時祛炎歊晝長屏譙娛靜驗消長機切體治亂塗終始
慎厥與斯言良警予

誓戒勅有司大祀簡庶務萬幾惟一心豈有可息處春
巡經四省率幸春苗佈桃源數州縣歉後常塵慮麥秋

究何若咨詢馳驛路
譬父母憐子九切於新晤

沉沉中禁夕丁丁高漏遲
翩翩燕羽頰細細花氣馥英
英雲復佳夜雨庶可期
甘膏豈辭多禾黍率長齊
因憶當往年正歌雲漢時

夏至日

方澤祀事禮成有作

質明有事裡

方澤短夜無眠數漏籤
籩豆惟馨陳黍稷
降升斯恪式

精嚴

恩叨登麥秋逢有念切滋禾雨繼霑

玉几年年親奠帛敢辭星火候方炎

雨

澤壇藏殷薦林宮駐清蹕密雲低晚天清風遞虛室雨
聲聞枕上不徐亦不疾春膏今歲佳喜獲望外出邇來
覺稍炎希澤已數日茲雨信稱時可卜農功吉晚田利
禾苗宿種益麥實敢云能受福益以凜無逸

賦得閏月定四時

得欽字
八韻

放勳明峻德首切授時心懸象占賓餞推天示摠林義
和洛叔仲寒暑酌盈侵置閏昏中定歸奇卦勅尋成章
分氣朔同律協陽陰三百六旬準春秋冬夏謚明堂靡
左闔高閣漏低斟萬古疇人則司民是所欽

雨後御園即景

雨足園林淨綠涵樹生涼籟草生醺幾多心慰黍禾茁
一晌幾閒書史耽何必羲皇傲牖北非關山水憶江南

即今時若休徵應保泰還恒玩九三

青芝岫

有序

米萬鍾大石記云房山有石長三丈廣七尺色青而潤欲致之勺園僅達良鄉工力竭而止今其石仍在命移置萬壽山之樂壽堂名之曰青芝岫而係以詩

我聞莫釐縹緲乃在洞庭中湖山秀氣之所鍾爰生竒石竅玲瓏石宜實也而函虛此理誠難窮誰云南北物

性殊燥濕此亦有之殆或過之無不及君不見房山巨石磊豈岌萬鍾勺園初築葺旁蒐皺瘦森竄立絕幽得此苦艱澁致之中止卧道旁覆以葭屋繚以墻

出萬鍾記語

年深屋頽牆亦廢至今竅中生樹拱把強天地無棄物而況山骨良居然屏我樂壽堂青芝之岫含雲蒼摧鬼刻削裒直方應在因提疏乞以前闢元黃無斧鑿痕剖吳剛雨留飛瀑月留光錫名題什翰墨香老米皇山之石穴九九未聞一一穴中金幢玉節紛縈糾友石不能

致而此致之力有不同事有偶智者樂兮仁者壽皇山
洞庭夫何有

御門日作

時閏五
月五日

勅幾咨卿尹宅俊引庶士勤政勉居諸

家法匪今始瑣禁及林苑一例無二理作所凜書義行
健玩易旨御門實舊典孜孜厯治體雨後曉氣清殿閣
薰風美庶務既裁繇獨對亦察邇傷午試豫遊觀農心
為喜閏月不閏節龍舟開可已

近試新進士朕命以閏
月定四時為題應試者

有競渡纖清音之句雖詩人咏景別裁無所不可然燕
賞亟則敬勤弛故不命重陳龍舟之嬉末句並及之

讀宋史

則平輔藝祖創業定九州闔戶讀論語臨政決如流惟
是持綱要不以枝葉求廳中置大甕簿書一以投滿即
焚通衢無稽時為去聲休後來孰稱賢太初平陽傳水旱

常入告幾先見事周然於陳利害報罷多無留二公豈
拒言惡人攻已尤仗馬喻百官千載徒貽羞伊尹志有
無毫釐千里殊叶君相更異勢達聰邇言收用中有權

衡綰絕非良謀

泛月

踰弦魄影漸生光
溪面風過帶細涼
青雀不須牽錦纜
依稀烟柳度江鄉

湖濶分明受月多
隄翹溪艷鬪婆娑
清宵撿校花難辨
櫂趁芳飈弄淺波

迴汀容與泛清漣
近水樓臺蘸影鮮
一晌忘言欣靜觀
去聲平湖烟景似常年

不濕寒光斂灩浮瘦於冰鑑濶於鉤嫦娥似與秋為約
已遣飛螢度渚流

黃山松樹子歌

我聞黃山其峯三十六水源三十六高高插天雷雨在
其麓靈仙窟宅奧且祕嵌巖庇虎多喬木松膏入地為
琥珀黃帝容成以鍊丹砂得仙籙老松蟠根閱千載剝
斧不能移之乃有新松側出裂魂魄磊新松一一皆古形
樵人好事連根采挂千尋壁枝夭矯采者長絙繫軀窮

窮窳巧斲山骨得全株嗟哉為利忘軀殊不少金幢瓔
珞紛縱橫亞盆插壑含濃青如繪蓬山列仙會垂髫之
童皆老成黃山之松今即古黃帝容成何處所

浩歌行

黃金何以藏巖山珠玉何以捐湖泉重華所寶不在此
金珠自在山泉間不事採求貴異物曰藏曰捐豈不然
晉武焚雉裘羊車駕末年貞元明詔却瑟瑟瓊林大盈
乃計錙銖焉不恒其德飾觀聽其究鮮不笑柄千秋傳

重華非藏亦非捐慎莫誤會陸賈篇

白鵲行

鵲之與隼如枳橘鷺鳥之中俊莫匹是皆其色襍蒼黝
如雪白者萬無一矯然致此白將軍悚立一朵梨花雲
玉架金條不放去爾行其義我行仁嚴若郅都飛李膺
問鵲何來來海上蘭臺令史頌白雉詎奮奇功酬蓁養
鵲乎鵲乎秋其德而辛其色殊毛出衆非改常致用求
真正相得

討源書屋疊舊作韻三首

泉石依今賞詩書與古偕豈矜勤學問漸得契根荄翠
嶂紆屏戶澄流曲帶階北牕風亦至惟覺慙去聲無懷

小別時成久頻來句漸多濠梁寧此異谷口更誰過南
陸遲朱鳥西山疊翠螺邇來晴雨協農父慰如何

視事疇咨罷扁舟泛渚園漪分錦繡色籟奏管絃言澄
沼平堪鑑新篁近可捫三唐看逋下思欲返其源

懷仙

有序

偶讀王勃懷仙之什其序以為思解纓紱永詠山水神與道超迹為形滯云云夫勃固蕭然無與之人也其不解纓紱乃自不解耳若夫佛仔肩而無可息者懷哉復當何若因敷其體情見乎辭

三山鳳麟洲邈在溟海中碧琳十二樓上出層霄空黃金以為臺紫雲以為宮瑤葩及芝草吹馥姍巖風仙人三萬歲其貌如青童我欲從之遊學彼訪崆峒可一不可再再者路莫通至今海上夷尚傳徐福宗形滯甚子

安悵望將焉窮

夜雨

夢醒衾簟寒淅瀝聞枕上殷雷忽鼓勢簷溜漸作響二
麥已登場黍禾方怒長不雨固亦可雨更資長養今年
春膏足北望愁眉放南巡迴月餘晴雨曾未爽祇益敬
無逸敢侈豐有象

屈指十年餘居恒慣獨寢豈欲習清靜矯為其已甚酣
睡姑置之何以安衾枕試告貪眠人同志自所諗忽憶

初政時或逢歲不稔中夜起望雲愁焉淵冰懍寬言慰
於側休戚相詢審及其逢降康喜亦同於朕而今其人
往懷哉恨徒飲

賦得荷珠

雨後一憑欄荷擎顆未乾光呈鮫女泣妙契宋儒觀無
縫分還合流形碎復團陸離真莫測擬議轉難安似汞
方啼鼎同珠欲走盤水仙如整髻贈此綴為冠

初晴落景

暑雨既已霑徂雲亦宜霽澄宇徐露青遙峰漸呈翠颯
爽恰謀體豁暢真諧意餘情寄問景殷憂解望歲籌治
遜貞觀敢尚物外志

唐文皇初晴落景詩有寄言
博通者知予物外志之句

茉莉

薰風拂井欄茉莉倚欄開香色及姿態誠不減寒梅胡
乃人所重高下相殊哉值時有難易立節貴不回板蕩
識忠臣蘇武信難儕

江南弄

江南弄吳國絃韶秀山川澹蕩天照耀朱樓綠樹輕盈
翠蓋蘭船誰家殢意期來轂何處離情怨去鞭去鞭來
轂紛無已借問誰能忘憂喜忘憂喜長流不盡春江

採蓮曲

閒泛看蓮船因作採蓮曲葉嶼花潭六月春仙種何須
誇五沃紅葩綠蓋亭亭在由來意採勝人採綵女三千
古已奢霞牋七字今誰待採蓮宜何處宜在江之南吳
嬌越艷素手纖香凝羅袖柄絲拈深情不語愁喜兼我

寄遙心在明聖早歸未待風荷盛採蓮一曲補遊興

池上居

每遣閒中夏愛憑波裏天松篁披靜籟書史究真詮樂

意叅魚計吉光玩畫禪

所携畫禪室中真蹟每駐蹕圖明園即於是室貯之

吟安

剛五字一晌似常年

率題

鸚鵡倒掛架潑落食與水瓦雀鷓鴣食之嗔怒鳴不止利
既不屬已惠何妨逮彼因貪入異類而仍貪未已出納

各有司得毋似乎此

建蘭

建蘭來閩嶠國香爰等倫葉攢蒲劍青花噴沉檀芬每
當冀北夏恰報甌南春玉堂以為居朱草以為鄰深山
大澤間寧無紉佩人

題張宗蒼山水

畫法通為學挈要有二道取師貴其真閱歷貴其老妻
東有遺派今見宗蒼好名山遊已多鬚髯皓然皓長卷

出經營意超泉石表繪事屬鋪張偏能脫華藻

萬壽山新齋成

濟運疏名泉延

壽創剎宇山水增斯輝禽魚得其所據勝聊築構軒齋
儼就矩北戶延螺峰南榮俯璇渚罷臺慙漢文卑宮法
夏禹

壁戒錦繡帷堂施翰墨筵探賾披書林契妙忘魚釜近
挹岫出雲遠睇波含烟恭已凜無逸殷心祝有年

和聲署

有序

向來和聲署禮部主之遇正朝慶賀取市販鼓吹者流充其數音節舛錯不可問且粟錢虛糜此不特白居易立部伎樂府所譏矣既審定律呂乃命易以內府承值極知梨園司簫韶將有人議其後者然今古異典樂胄子之教既失則責士大夫以吹笙鼓箏將有不能俾能其事者器使而効所長不猶愈於潦倒傭伎之介廁冠裳間乎因效樂

天體為是作且見意也

和聲署異神樂神樂太常司郊廟登歌奏笙簧音節略

誤其禮存未似唐制立部所退人

白居易詩注云太常退坐部伎無性識者

退入立部伎又選立部伎絕無性識者退入雅樂部則雅樂可知矣

命工改正旋合度不

以他用用饗神和聲署禮部司太和三大節萬國衣冠

時署中餼廩有人支陞上塤簾乏人吹乃取市販鼓吹

兒以調宮徵充工師欲望獸舞鳳來儀誠哉有如居易

樂府詩內庭承值雖優孟命習宮縣歸以正古人擊爾

泗濱石今人棄爾華原磬和聲署今即古文武之政在
方榮其人存則其政舉何能海上喚師襄戛擊鳴球列
朝序君不見小學廢樂徒云借問和聲署安得衣冠倫
懷哉簫韶九成不得聞

批摺

題疏核明試摺奏取密捷孰不闕民瘼一一親批答勤
政匪今日謹守成家法劒川報地震窮黎被傷罄汀郡
復報水驟漲浸城堞一日聞兩災南望心怵懾怵懾豈

徒云濟衆有區分詎貴修省名而忘實政仁發帑速出
積發粟速出陳救災如救火寧濫毋遺貧大端既粗示
善推致諄諄豫齊麥有收暘雨時皇州邇來心略慰覽
摺頃增愁勤民不諱災我志孚遐陬是以九州收直陳
無顧留李沆獨見稱未必真嘉謀

夏日玉泉山

蘭棹遵川途水風散空濶颯然衣袂寒祝融權為

去聲奪

玉泉衆水源地靈遠塵窟標勝構築久嘉樹成清樾徘徊

徊吟舊題頃覺經時月遊覽性所便每恐妨幾務離宮
閱年多偷閒纔一顧選勝重經營豈乏容膝處尚新人
盡然予詎免此悞

羅漢洞

吹竅送勁寒凝珠滴濕潤北虛既生白砥平仍俯峻鑿
巖棲變相龍象紛騰迅逐景一清遊底慮咄靈運

讀史效白居易體

貞觀出宮女當時傳美政一日放三千怨曠各遂性詎

是盡遣去掖庭之承應料祇減其半率已銜恩慶六千
其居常三千其僅贍不知大官庖日膳何以供叶而今
合三宮五百脩使令美政不能法後世論姑聽

讀漢文帝贊率題

罷臺自屬敦勤儉記載寧無稍失真設使蜀山畧分賜
早教衣蔽慎夫人

雨晴即景


快雨銷炎復快晴披雄襟袖颯然清晚來翠嶂皆新沐

時矣良苗搃怒生畧慰祈年思鮮遇便因問景試閒行
即今仍擬西成望那間孜孜卜度情

牙簞

玉架鶴不慕珠籠鴻反驚珠玉信珍美鶴鴻胡見輕物
各貴其宜用得當為榮葛簞以涼薦牙簞以貴稱巧匠
縷象齒編織成桃笙底慮焚以賄欲擬涼如冰長短量
牀裁妥帖敷席平襍組為之純照耀四座明聲價有足
誇美觀亦奚憑握捥縱密緻善刺骨性恒絀綌綌薄脆

鍼擅坐豈寧燕息姑舍是湘紋安且清惟取適用實匪
慕崇儉名



御製詩二集卷二十八